

آبونه شرائطی : هر زیر ایچول
سنه لکی (۲۷۵) آلتی آیانی
(۱۵۰) ممالک اجنیه ایچون
سنه لکی ۳۲۵ غروشد.

نسخه سی ۵ غروشد
ایکی نسخه برآراده
(۱۰) غروشد
سنه لکی ۵۲ غروشد.

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرم
محمد حاکف

صاحب و مدیر
اشرف ادیب

اتبعون اهدکم سبیل الرشاد

تذکره

۱۳۳۹

آدره من تبدیلنده آریجه
۵ غروش کوندولمیدر .

مکتوبلرک امضالری واضح
و او قوناقلی اولسی و آبونه
صره نومروسینی محتوی
بولومسی لازمدر

ممالک اجنیه ایچون آبونه
اولانلرک آدرس لری شک
فرانسجه یازلسی رجا اولتور .

پاره کوندولدیکی زمان نهیه
داثر اولدیغی بیلدیلمسی
رجا اولتور .

آناطولی معموره لری بوکون برر ویرانه اولمشدر. یونان حرص و چنایانه قربان قارداشلرک طوپراقلری ده خرابیه دوئمشد.

ایشته قارداشلر بویرلری اعمار ایتمه، دوچار اولدقلری محرومیت و سفالتدن بر دقیقه اول خلاص ایدملری لازم کلان یونان اداره سنده کی مسلمانلری بورالده اسکانه، آلتی یوز بیک کیشی به ارمک و یرمه، ملوا بولمه چالیشان تورکلر قارداشلرینک سفالتدن تلف اولاملری ایچون عالم اسلامک مروتنه مراجعت ایدیور. دینداشلق رابطه قدسیه سنک فیاض تجلیاته امید وارم.

بوزواللی قارداشلر مزایچون مشترک خیر و شفقت مؤسسه سی اولان هلال احمرک واقع اوله جق تشناته بوتون عالم اسلامک سوء سوء و کمال ممنونیتله ظهیر اوله جفنده شهیم یوقدر. هلال احمر بودی وظیفه سنده موفق اولسی ایچون عالم اسلامک لطف و معاونتیه عرض احتیاج ایدیور. یاه جفکز اک اوفق بر معاونتک بر قاج مسلمان عالمه سنک حیاتی قورتاراجغی دوشونکیز. طوغریدن طوغری به عیناً و نقداً کوندریله جک احانات شکرانه قبول ایدیه جکدر. بوکون ازیمچی بر جریان ایچنده بولونان و یارین اسکان و اعاشه ایدمک ایچون بیک مشکلاته نیجه لسه جک اولان روم ایلی مسلمانلرینک یکانه استناد کاهلری ایمانلری و یکانه امیدلری دین قارداشلرینک علویت و نجاتیدر. جناب کبریا جمله مزک یاردیمچی اولسون.

استانبولک خبری

جهاد ملیمک اک مهم نمره لرندن بری بو هفته اقطاف ایدلری. لوزان معاهده سنک مواد مخصوصه سنه توفیقاً، همان بش سنک بر زماندیری دوام ایدن و ملتیزک حافظه سنده بک الم خاطرملر بیراقان استانبول اشغالی نهایت بولمش و متفقلر کچن صالی کونی شهر مزی تخلیه و ترک ایتشلردر. بو بک مهم حادثه تاریخیه، یالکیز تورکیایی دکل، بوتون اسلام عالمی نمون و مسرور ایده جکدر. متفقلرک استانبولی وسائر اراضیمزی تخلیه ایله شهر مزده حاکمیت ملیه من تمامیه تأسس ایتمش و بو اراضیمز اجنبی تحکمندن قورتولمشدر.

بو حادثه منی سعید ایدیور و بو حادثه نیک عاملی اولان جهاد ملیمزی اک عظیم شکران و تجیل ایله یاد ایدیورکن استانبولک بو خلاص سیاسی متعاقب ایفاسی ایجاب ایدن و استانبولک خلاص حقیقی سی تأمین ایده جک اولان وظایفه نظر دقتی جلب ایتک ایسترز. چونکه استانبولک اشغالی یالکیز بر اشغال عسکری و بر اشغال سیاسی ماهیتده قالمایه رق استانبولی اخلاقی و اجتماعی تفسیخه طوغرو سور و کله بن برسیل مصیبت حالی المشد. اجنبی اشغالی آلتنده یاشایان استانبول مقدسات

ملیه و دینی مزک محافظه سی در عهده ایدن بر حکومت ملیه دن محروم قالدینی ایچون اخلاقی و اجتماعی بر مرج و مرجه دوچار اولمش و هویت ملیه و دینی سی ضایع ایتدیره جک بر طاقم جریانلره قایلیمشد. اشغال اجنبی دور مشؤمنده مسلمان قادینلری اغفال ایدرک اونلری ضربک فحش آلود (سوسیته) حیانه آلیشدریمق، اسلام و تورک عالمه سی تمکدن بیقیمق، استانبولده اسلام و تورک حیاتی فجیع بر عاقبتیه محکوم ایتک ایسته بن بر طاقم جریانلر هیچ بر مقاومت کورمکسزین الایدیکنه اجرای تخریبات ایتمش و بویوزدن استانبولده اسلام و تورک حیاتی عاداتا بر تزلزله اوغرامشدر. تورک قادینلری محنه به چیقاریمق، تورک قادینلرینه اماکن عمومیه ده چاللی جالدریمق، تورک قادینلی تستردن وارسته قیلمق، تورک قادینک ارککلرله سینه ما و تیارولرده دیزدیزه بولونماسی مباح کورمک، تورک قادینک بر طاقم اجنبیلرله هم بزم اولماسی خوش کورمک، تورک قادینک بورابه کلن روس قادینلری کی چیرچلاق انظار عمومیه قارشیمسند. ده کزلره کیرمه سنه، قوملرده قورونماسه مساعد ایتک، تورک قادینک بر طاقم یابانچی ارککلرک چای ضیافتلری و یرمه سنه و حریم عالمه سی هر درلو تجاوزلره کشاده بولوندرماسه کوز یومق... بونلرک هپسی اشغال دورنده آلایدیکنه قوت کسب ایدن ضلالت جریانک عالمه حیاتی ییقه رق استانبولک حیات اسلامی و حیات ملیه سی ایحا ایچون ترتیب اولونان مدهش برسوء قصدک کوزه باتان دلسوز تجلیاتی ایدی.

بر طرفدن آناطولیده تورک قادینلی مجاهدین ردوسنه مهمات و جبهانه یتشدیرمک، آناطولی طوپراقی اکک و بیچمک و آناطولی جهادی قطعی بر ظفره قاووشدیریمق ایچون کیجه کوندوز چالیشیور و بوتون دنیایی حیران ایدن بی نظیر بر ظفرک احرازنده بک مهم بر عامل اولیورکن اونه طرفده استانبولک اجنبی اشغالی آلتنده یاشامه سندن بالاستفاده بوفساد و اضمحلال جریانک تورک ملتک سینه سنده اوکولماز بریاره آجایی ایچون چالیشیلوردی.

بر طرفدن آناطولی مسکرات و منکراتی منع ایده رک اخلاقزی و سجه مزی تحکیم ایدن، محتمزی قورویان تدابیر قطعیه اتحاد ایدیورکن استانبولده مسکرات، منکرات، قوقا بن، مورفین ودها بوقیل درلو درلو ایحا کارشیلر رواج بولویور، استانبولی تخریب و ایحا ایدیوردی.

بر طرفدن آناطولی حیات و نمات مجادله سنه کیره رک وارینی یوغنی، بوتون منابعی بو اوغورده فدا ایدیورکن اونه طرفده استانبولک موجودی الوانطه لره، پودره لره، ایچکلره، ژارسه لره، ایچکیلره، آکلنجه لره، ذوق و صفالره و بریلوردی.

بیکلرجه شکر که نهایت آناطولی، استانبولده بوسفات و ضلالت جریانلرینک اک برنجی مشوقی اولان اجنبی اشغالی قالدیرمه موفق

مطبوعات

یمن نه اولدی ؟

(طنین) غزته سی یمن مسئله سی مناسبتیه شایان دقت بر باش مقاله نشر ایتشدر . اهمیتته مبنی بعض فقره لرینی نقل ایدیورز : یونانستاندن کله جک مسلمانلرک احتیاجات و آلامتی تخفیف ایلک مقصدیه هلال احمرک مسلمان مملکتلرده طویلایه جفی اعانه لرم عالم اسلامی اشتراک دعوت ایچون غازی مصطفی کمال پاشا حضرتلری طرفندن بر بیاننامه نشر ایدیله سی بزی بر آرز دوشوندریدی . بو دوشونجه لر آراسنده یمن قطعه سی ده عتله کلدی . هله شوصوک کونلرده بردن بره اورته لنی قاپلایان بواتیقه و تشکیلات کورولتوری آراسنده بوتون بوتون اونوتولش کپی کورون بو یتیم مسلمان الکاسی بزم جداً نظر دقتیزی جلب ایتکه لایقدر .

یمن اداره سی آناتولی مجاهده ملیه سی هنوز یتیمه مش اولدینی زمانلرده ظن ایدیورز که آرز جوق مناسبتده و مخبرانده بولوندی . هر حالده بر آراق یتیلرک ملت مجلسنه بموت کوندرمه لری یله مطبوعاتده موضوع بحث اولمشدی . فقط لوزان معاهده سی امضا ایدیلر ایدیلر بوتون بو لایقیدیلر یتیدی . یتله آدی آکیلماز اولدی .

بزم قصورلر مزدن بریده افراطدن تقریبه دوشمکدر . بعضاً فعال ، سیاسی بر اتحاد اسلام دوشونویورز . بعضاً بونک عکس العملی اولقی اوزره اسلام سیاستک بوتون بوتون علمداری اولورز . شودقیقه ده بویه بر عکس العمل دورمی ایچنده بولوندیغیزی ظن ایدیورم . حالبوکه اسلامیت سیاستنه قارشى بو افراط ایله تقریبه اورته سنده معقول و معتدل بر طریق واردرکه لایک تورک جمهوریتی (؟) کندی نفوذ و قدرته کنه ی ایله بی معنا برضیه اتحار اورمقیزین بونی امال ایدمه . اورته لنی آلت اوست ایدمکک سیاسی بر اتحاد اسلام پولیقه سنک مملکتیز ایچون ضرردن باشقه بر نتیجه سی اولاماز . فقط بوتون عالم اسلام آراسنده کی معنوی رابطه اخوتی محافظه ایتکده ، بو مختلف اسلام هیئت اجتماعیه لرینی بر برلینه متساند بولوندرمقده قائده دن باشقه بر ثمره اقتطاف ایتمه یز . ایشته مثلا یونانستاندن کله جک مهاجرل مسئله سنده باشه صیقیشنه عالم اسلامک حسیات اخوتکارانه سته مراجعت ایدیورز و دینداشلق رابطه قدسیه سنک قیاض تجلیاتندن امید وار بولوندیغیزی سولیدیورز .

فقط بودینداشلق رابطه قدسیه سی یالکز بر صیقیتی دقیقه سنده قضارا خاطر لایق بویوک بر فائده و برسر . بو بزم دائمی ، لایتغیر ، آچیق برسیاستیز اولالیدر . تصادفی دکل ، متادی بر صورتده عالم اسلام ایله مشغول اولمالی یز . تحریک ایچون دکل ، دینداشلق رابطه قدسیه سی تقویه ایچون تورکیه جمهوریتی بودینداشلق رابطه سی قیردینی کون جهانشمول اهمیتنی غائب ایدمکک شانلی ماضیسنه لایق اولمایه جق بر مرثیه دوشر .

اگر بو بویه ایسه سیاست خارجه یز بر آرز دها واسع و نافله بر نظر ایله اداره ایدیلک و بالخاصه یمن کی صادق ، مهم و زنکین بر قطعه صرف غفلت یوزندن ، سه قته رلک سیندن آلدن قاچیرلاماق اقتضا ایدر .

بوندن باشقه ، تورکیه جمهوریتی بوتون عالم اسلامک مرکز دینیسی اولدینی ده کوزدن قاچیرمالمالی و مختلف قطعه لرده کی حسیات انسانیه یی رنجیده ایتهمی ده سیاست داخلیه مرکز عمده لرندن بری اولقی اوزره کوز اوکنه آلامالیدر . نه دیمک ایسته دیکمن آ کلاشیله جفی امیدیه بوناز ک نقطه یه علناً مناقشه ایتکدن توق ایدیورز .

حسین جامه

اولارق استانبولک خلاص حقیقه سی تأمین ایدمکک اولان مانعه لری ازاله ایتدی . استانبولده حاکمیت ملیه نک تماماً تقراری اوزرینه بو ضلالت و سفاقت جریانلرینک جدی بر مقاومت قارشیسنده قالارق قطعی بر هزیمته دوچار اولماسی بکله مک هر تورکک و هر مسلمانک حقیدر . بکله دیکمز بواجراآت استانبولی احیا ایدمککدر . اناطولیده تطبیق ایدلمکده اولان بر جوق قوانین عالیه نک آرتیق استانبولده تطبیقنه بر مانع قالامشدر . مثلاً تطبیق شیمدی یه قدر شهر مزده اشغال قوتلرینک بولونمانه مبنی تأخیر ایدلمکده اولان منع مسکرات قانونک تطبیقنه هیچ بر مانع قالامشدر . تطبیق مجبوری بر تأخیر اوغرایان او قانونک در حال تطبیقنه باشلامق حکومتک الاستدائی وظیفه سیدر . حاکمیت ملیه نک استانبولده تماماً تأسس ایتمه مش اولماسی شیمدی یه قدر استانبولک منع مسکرات قانونندن استفاده ایتمه سته حائل اولوبوردی . له الحمد حاکمیت ملیه یز بوراده تماماً تأسس ایتدی . بناء علیه آرتیق ولوکه بر کون اولسون منع مسکرات قانونک تطبیقنی تأخیر حکومتک دخی یدنده دکلدر . حکومت بو قانونی تأخیر ایدمکک اولورسه مدهش بر قانونسزلق ارتکاب ایتش اولور . حکومت قانونک تعدیلنی تصور ایدیورسه بویه اونک بو تصورنی قانونک تطبیقنی تأخیر ایتمه سی ایجاب ایدمه . حکومت هر هانکی بر تصورده بولوناییلر . فقط تصورانی ، یا خود تکلیفاتی قانون دکلدر . بو تصورات و تکلیفات بویوک ملت مجلسنه عرض اولونارق قانونیت کسب ایتمیجه هیچ بر قیمت اجراییه یی حازر دکلدر . بناء علیه حکومت منع مسکرات قانونک تطبیقنی تأخیر صلاحیتدار دکلدر . بالذات حکومت او قانونه رعایته مجبور اولدیغندن حکومتک ، قانونک تأخیر تطبیقنه تصدی ایتمه سی تشکیلات اساسیه قانونی زیروزر ایدمکک مدهش و مسئولیت عظمایی داعی بر قانون شکنلکدر . باخصوص بوتون ملت منع مسکرات قانونک ایفاسی وشدله تطبیقنی ایسته یور . بناء علیه بر حکومتک بلاتردا اجرا آتی بکله یورز . عقائد دینه مزه ، غنعات ملیه مزه ، آداب و اخلاق عمومیه مزه مغایر جریانلره مانع اولقی ، حیات عمومیه مزی هرج و مرج ابدن ضلالتلره قارشى بر سد چلمکک زمانی کلشدر . هر مسلمان و تورکک تعقیب اولوناجق خط حرکتی درت کوزله بکله یور . استانبولک خلاص حقیقه سی تأمین ایچون وقوع بولاجق اساسلی اجراآت ، بوتون ملتک شکرانی قازانه جق ، بوتون ملتک امیدلرینی تحقق ایتدیرمککدر . بو خصوصیه کی وقوع بوله جق هر هانکی بر امال ، مسلمان خاقی مدهش بر قور وانکساره دوشوردر . مسلمانلرک استانبولده زوال بولمادیغنی ، حاکمیت اسلامیه نک یکیدن تأسس ایتدیکنی دوسته ، دشمنه کوسترمکک بویکون حکومتکک متحتم وظیفه سیدر .